

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA TISA

19 MEI, 2017



ORODHA YA SHUGHULI ZA LEO

MKUTANO WA SABA

KIKAO CHA ISHIRINI NA TISA – TAREHE 19 MEI, 2017

I. DUA:

II. HATI ZA KUWASILISHA MEZANI:

WAZIRI WA KILIMO, MIFUGO NA UVUVI:

Hotuba ya Makadirio ya Mapato na Matumizi ya Wizara ya Kilimo, Mifugo na Uvuvi kwa Mwaka wa Fedha 2017/2018.

MWENYEKITI WA KAMATI YA KILIMO, MIFUGO NA MAJI:

Taarifa ya Kamati ya Kilimo, Mifugo na Maji kuhusu utekelezaji wa majukumu ya Wizara ya Kilimo, Mifugo na Uvuvi kwa Mwaka wa Fedha 2016/2017 pamoja na maoni ya Kamati juu ya Makadirio ya Mapato na Matumizi ya Wizara hiyo kwa Mwaka wa Fedha 2017/2018.

MSEMAJI MKUU WA KAMBI YA UPINZANI KUHUSU WIZARA YA KILIMO, MIFUGO NA UVUVI:

Taarifa ya Msemaji Mkuu wa Kambi ya Upinzani juu ya Wizara ya Kilimo, Mifugo na Uvuvi kuhusu Makadirio ya Mapato na Matumizi ya Wizara hiyo kwa Mwaka wa Fedha 2017/2018.

III. MASWALI:

OFISI YA RAIS (TAMISEMI):

**234. MHESHIMIWA COSATO DAVID CHUMI
(MAFINGA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Serikali ilitoa Waraka Na. 3 wa Mwaka 2014 kuhusu posho ya madaraka kwa Viongozi wa elimu wakiwemo Walimu Wakuu wa Shule za Msingi, Sekondari, Vyuo na Waratibu wa Elimu Kata lakini tangu Waraka huo utolewe yapata karibu miaka miwili sasa posho hiyo haijaanza kulipwa:-

Je, ni lini Serikali itaanza kulipa posho hiyo ya Viongozi wa elimu.

235. MHESHIMIWA DKT. MARY MACHUCHE MWANJELWA (VITI MAALUM):

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, nini mkakati na Sera ya Serikali kwa Wafanyakazi hususan Walimu wanaojiendeleza katika kuwapandisha madaraja na kuwaongezea mishahara.

WIZARA YA KILIMO, MIFUGO NA UVUVI:

236. MHESHIMIWA MBAROUK SALIM ALI (WETE):

Atamuuliza Mheshimiwa Waziri wa Kilimo, Mifugo na Uvuvi:- Moja ya jitihada za Serikali za kufufua kiwanda cha *General Tyre* kilichopo Arusha ni pamoja na kuendeleza kilimo cha Mpira katika Mashamba yaliyopo Tanga na Morogoro ili kupata malighafi:-

Je, mashamba hayo yana ukubwa gani na umri gani.

**237. MHESHIMIWA SHALLY JOSEPH RAYMOND
(VITI MAALUM):**

Atamuuliza Mheshimiwa Waziri wa Kilimo, Mifugo na Uvuvi:- Ushirika hususan wa mazao hauna maendeleo mazuri na umekuwa ukisuasua kwa sababu mbalimbali:-

- (a) Je, ni vigezo gani vinatumika kupima na kutathmini maendeleo ya Ushirika;
- (b) Je, ni hatua zipi zinachukuliwa na Serikali kuboresha mazingira ya Ushirika kukua.

**WIZARA YA UJENZI, UCHUKUZI NA
MAWASILIANO:**

**238. MHESHIMIWA DAVID ERNEST SILINDE
(MOMBA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Ili kurahisisha mfumo wa kimaendeleo na kukuza uchumi katika bonde la Ziwa Rukwa Serikali iliahidi kujenga daraja linalopita katika Mto Momba kati ya Kata ya Kamsamba (Jimbo la Momba) na Kata ya Kipeta (Jimbo la Kwela) mwaka 2009:-

Je, ni lini ahadi hiyo ya Serikali itakamilika.

**239. MHESHIMIWA HALIMA ABDALLAH BULEMBO
(VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Stesheni nyingi za Reli hazina huduma nzuri kama maji, vyoo na sehemu za kukaa wakati wa mvua na hivyo abiria wengi hasa akina Mama na Watoto kupata shida:-

Je, Serikali haioni umuhimu wa kuboresha huduma hizo ili kuwaondolea adha hiyo kubwa akina Mama na Watoto.

**240. MHESHIMIWA JACQUELINE NGONYANI
MSONGOZI (VITI MAALUM):**

Atamuuliza Mheshimiwa Waziri wa Ujenzi, Uchukuzi na Mawasiliano:- Barabara ya Makambako – Songea yenye urefu wa km 295 imeharibika sana na inahitaji kufanyiwa matengenezo:-

Je, ni lini Serikali itakarabati barabara hiyo.

WIZARA YA MALIASILI NA UTALII:

241. MHESHIMIWA ALEX RAPHAEL GASHAZA (NGARA):

Atamuuliza Mheshimiwa Waziri wa Maliasili na Utalii:- Maporomoko ya Maji ya Rusumo yanapatika katika Jimbo la Ngara nchini Tanzania na Wilaya ya Kirehe nchini Rwanda kwenye mpaka wa Tanzania na Rwanda; na maporomoko hayo yanaweza kuwa kivutio kizuri cha Kitalii:-

Je, Serikali iko tayari kufanya utafiti katika eneo hilo ili liweze kurasimishwa kwa ajili ya shughuli za Kitalii na kuongeza pato la Wilaya na Taifa kwa ujumla kupitia sekta hiyo ya Utalii.

WIZARA YA HABARI, UTAMADUNI, SANAA NA MICHEZO:

242. MHESHIMIWA DEVOTA MATHEW MINJA (VITI MAALUM):

Atamuuliza Mheshimiwa Waziri wa Habari, Utamaduni, Sanaa na Michezo:- Waandishi wa Habari wanafanya kazi nzuri katika kuelimisha Jamii:-

Je, ni lini Serikali itaanzisha mfumo utakaotambua kazi zinazofanywa na Tasia ya Habari.

WIZARA YA MAMBO YA NDANI YA NCHI:

243. MHESHIMIWA USSI SALUM PONDEZA (CHUMBUNI):

Atamuuliza Mheshimiwa Waziri wa Mambo ya Ndani ya Nchi:- Askari Polisi Zanzibar kwa muda mrefu wamekuwa wakilazimika kutumia fedha zao za mfukoni kuwahudumia chakula Mahabusu wanaoshikiliwa katika Vituo vya Polisi Unguja wakati jukumu hilo ni la Serikali:-

- (a) Je, Serikali imechukua hatua gani za kuondoa tatizo hilo tangu kulalamikiwa na Tume ya Haki za Binadamu na Utawala Bora baada ya kufanya ziara ya ukaguzi na kugundua tatizo hilo;
- (b) Je, ni sababu gani zimesababisha chakula kutopelekwa katika Vituo vya Polisi wakati Bunge limekuwa likiridhia matumizi ya Wizara kila mwaka zikiwemo gharama za chakula kwa Mahabusu;
- (c) Je, Haki za Binadamu zinazingatiwa vipi inapotokea Askari hawana fedha za kununua chakula cha Mahabusu na kulazimika kulala na njaa wakati Serikali ndiyo yenye jukumu la kuwapatia huduma ya chakula.

IV. HOJA ZA SERIKALI:

WAZIRI WA KILIMO, MIFUGO NA UVUVI:

Kwamba, Bunge sasa likubali kupitisha Makadirio ya Mapato na Matumizi ya Wizara ya Kilimo, Mifugo na Uvuvi kwa Mwaka wa Fedha 2017/2018.

**DODOMA
19 MEI, 2017**

**DKT. T. D. KASHILILAH
KATIBU WA BUNGE**

